



**ZAKLJUČCI TREĆE TEMATSKE KONFERENCIJE O USPOSTAVLJANJU SISTEMA
BESPLATNE PRAVNE POMOĆI U BOSNI I HERCEGOVINI**

1. Sa ciljem jačanja principa jednakog pristupa pravdi, u Bosni i Hercegovini potrebno je ustanoviti sistem pružanja besplatne pravne pomoći (BPP) koji će omogućiti jednake uslove svim korisnicima BPP na cijeloj teritoriji Bosne i Hercegovine (BiH).
2. Ovakav sistem podrazumijeva osiguranje usaglašenog zakonodavstva, profesionalne nezavisnosti pružalaca BPP, adekvatno finansiranje i obuku, kao i potrebnu podršku za njegovo funkcionisanje.
3. Ministarstvo pravde BiH će aktivno pratiti dinamiku postupanja nadležnih organa i institucija u vezi sa tekstom nacrtu zakona:
 - a) Utvrđivanje Prijedloga zakona o BPP BiH od strane Vijeća ministara BiH;
 - b) Upućivanje Prijedloga zakona o BPP BiH u parlamentarnu proceduru;
 - c) Usvajanje Zakona o BPP od strane Parlamentarne skupštine BiH.Direktorica Centra za pružanje BPP Republike Srpske navela je da ne podržava donošenje Zakona o BPP BiH.
4. Preporučuje se Federalnom ministarstvu pravde da do kraja 2012. godine izradi nacrt Zakona o BPP Federacije BiH (FBiH) i pokrene proceduru za njegovo usvajanje, uz planiranje budžetskih sredstava za tu namjenu za 2013. godinu.
5. Preporučuje se kantonima u FBiH koji još nisu pokrenuli procedure usvajanja kantonalnih zakona o BPP ili zavodima za BPP da do kraja 2012. godine pokrenu proceduru za njegovo usvajanje, uz planiranje budžetskih sredstava za tu namjenu za 2013. godinu.
6. Preporučuje se kantonima koji su pokrenuli procedure usvajanja kantonalnih zakona o BPP ili zavodima za BPP da u ovom procesu održe maksimalno moguću dinamiku i što prije izdejtstvuju donošenje zakona.
7. Sugerije se onim nivoima vlasti koji imaju donesene zakone o BPP da vrše stalnu analizu njihove primjene i blagovremeno pokreću inicijative za njihove izmjene i dopune gdje to ocijene za potrebno.
8. Oni nivoi vlasti koji su u postupku donošenja takvih zakona, kao i oni koji to namjeravaju učiniti, trebaju osigurati da se u tekstove ugrađuju najbolja rješenja koja će u praksi omogućiti primjenu principa bitnih za funkcionisanje sistema BPP na njihovom području.
9. Kroz postojeće i buduće oblike saradnje sa nevladinim sektorom, te adekvatnu podršku nadležni organi trebaju raditi na jačanju profesionalnih kapaciteta, kvaliteta usluga, odgovornosti i mehanizama praćenja rada onih nevladinih organizacija (NVO) koje se bave pružanjem usluga BPP. Sugerije se nadležnim organima da kroz buduće prijedloge podzakonskih akata koji se tiču ove oblasti, konkretizuju ulogu i položaj NVO, što će doprinijeti njihovom kvalitetnijem uključivanju u sistem pružalaca BPP.
10. Ministarstvo pravde BiH i USAID JSDP II će pratiti realizaciju ovih zaključaka i o tome periodično izvještavati institucije sektora pravde, ostale institucije, članice Mreže pravde, Mreže pružalaca BPP i druge NVO zainteresovane za ovu problematiku. Ministarstvo pravde BiH i USAID JSDP II će na osnovu analize Treće tematske konferencije dogovorno provoditi zagovaračke aktivnosti sa ciljem ispunjenja usvojenih zaključaka.